

ورقة المراجعة: Claude من الصفر

نفس ترتيب العرض، جزء بجزء. امشي عليها بالترتيب. أسماء الأزرار مكتوبة بالإنكليزي مثل ما تطلع بالشاشة.

الجزء 1

شنو هو Claude

مساعد ذكي من شركة اسمها **Anthropic**. تسأله ويجاوبك مثل أي محادثة، ويكدر هم يشتغل: يكتب ملفات، يرتب مجلدات، ويبني برامج.

الاسم	شنو يسوي
Claude	تسأل، تكتب، تلخص، تترجم
Cowork	يشتغل على ملفاتك ويسلمك ملفات جاهزة
Claude Code	يبني برامج ومواقع

الجزء 2

تفتح Claude وتعرف الشاشة

1. افتح المتصفح واكتب: **claude.ai** أو افتح برنامج **Claude** على الكمبيوتر أو الموبايل.

2. سجّل دخول.

3. اكتب طلبك بصندوق الكتابة.

4. زر + جوّه صندوق الكتابة: ترفع منه ملف أو صورة.

لازم تشوف هسه: رسالتك فوك، وجواب Claude جوّاه. ما تشوف صندوق الكتابة؟ يعني إنت مو مسجّل دخول.

شلون تطلب

1. منو آني: شغلك ودورك بسطر واحد.
2. شنو أريد: الشغلة نفسها، واضحة.
3. شلون أريد النتيجة: طويلة لو قصيرة، جدول لو رسالة.

طلب جاهز: خآي Claude يكتب الطلب بدالك

أريد أسوي هاي الشغلة: [اكتب شغلتك هنا]. اسألني عن أي شي ناقص، وبعدها اكتبلي الطلب الكامل حتى أوافق عليه.

الجواب مو مثل ما تريد؟ جاوبه وصحّحه بنفس المحادثة. لا تبدي من جديد.

الاستخدام والـ Token

الـ Token قطعة صغيرة من الكلام. كل شي يقرأه Claude ويكتبه ينحسب بيها. الاستخدام مثل رصيد الموبايل: يخلص ويرجع يتجدد.

1. موضوع جديد؟ افتح محادثة جديدة.
2. ارفع بس الملف اللي تحتاجه.
3. وضح طلبك من أول مرة.

تشوف رصيدك من: Settings > Usage

Cowork: Claude يشتغل على ملفاتك

1. سوّي مجلد جديد وفارغ، سمّيه: تجربة Claude.
 2. افتح برنامج Claude على الكمبيوتر.
 3. يم صندوق الكتابة اضغط **Work in a project or folder**
 4. اختار مجلد التجربة. بس هذا المجلد، مو الكمبيوتر كله.
- لازم تشوف هسه: اسم المجلد ظاهر يم صندوق الكتابة. وبعد ما يخلص الشغلة: ملف جديد داخل المجلد.

اسم الزر مأخوذ من صفحة التعليم الرسمية ويمكن يتغير بالتحديثات. إذا ما لكيتة، دؤّر على زر بيه كلمة **folder**.

Claude Code

يبني برامج ومواقع وحده. موجود برنامج الكمبيوتر بتبويب اسمه **Code**. مو مطلوب لتمرين اليوم، بس اعرف إنه موجود.

ال Skills

ال Skill مثل ورقة الطبخة: تنكتب مرة وحدة، و Claude يمشي عليها كل مرة.

1. شغل الخيار: **Settings > Capabilities > Code execution and file creation**
 2. روح على: **Customize > Skills**
 3. اضغط زر الإضافة (+) واختار **Upload a skill**
 4. ارفع ملف ال **zip** مثل ما هو. لا تفتحه ولا تفكّه.
- لازم تشوف هسه: اسم ال Skill بالقائمة ويمها مفتاح تشغيل. بعدها اطلب شغلتك عادي، و Claude يستخدمها وحده.

ربط Claude بأدواتك

1. روح على: **Customize > Connectors**
2. اضغط **+** واختار الأداة، مثل **Google Drive** أو **Gmail**
3. اضغط **Connect** وكمل تسجيل الدخول.

اربط بس الأدوات اللي مسموحلك بيها بالشغل.

قواعد الأمان

1. لا كلمات سر، ولا أرقام بطاقات أو حسابات.
2. معلومات الزبون الخاصة ما ترفع بدون موافقة.
3. Claude يغلط مرات. اقرا قبل لا تدز.
4. اللي يطلع باسمك، إنت المسؤول عنه.

إذا صار شي غلط

المشكلة والحل

شنو تشوف	السبب	الحل
ماكو صندوق كتابة	مو مسجل دخول	سجل دخول وارجع
رسالة إنه الحد خلص	رصيد الاستخدام خلص	انتظر لحد ما يتجدد، وشوف الوقت من Settings > Usage
الجواب عام ومو مفيد	الطلب ناقص	ضيف: منو آتي، شنو أريد، شلون النتيجة
الجواب بيه معلومة غلط	Claude يغلط مرات	اكتبه شنو الغلط واطلب يصحّحه، وتأكد بنفسك
ال Skill ما انرفعت	الملف انفك، أو الخيار مطفي	ارفع ال zip الأصلي، وشغل Code execution and file creation
ما يشوف ملفاتي	ما منطيه مجلد، أو البرنامج مسدود	افتح برنامج الكمبيوتر وانطيه مجلد التجربة

المعلومات وأسماء الأزرار من صفحات Claude الرسمية، مقروءة بتاريخ 2026-09-29. البرنامج يتحدث باستمرار، فممکن تلي اختلاف بسيط.